



БИДНИЙ ТУХАЙ

Австрали дахь Монголчуудын нийгмийн үйлчилгээ, хөгжлийн нийгэмлэг (Aus-Mon Community services & Development inc.) нь 2020 оны 10-р сард байгуулагдсан, Австрали улсад бүртгэлтэй, ашгийн төлөө бус байгууллага юм. Тус байгууллага нь Австрали дахь Монголчуудын эрүүл мэнд, нийгмийн сайн сайхан байдлыг дэмжих, Монгол хэл, соёлыг Австрали дахь хүүхэд, залуусын дунд суртачилан таниулах зорилготой.

Хэл, соёлын ялгаатай байдлын улмаас заримдаа бид эмнэлэг, сургууль зэрэг байгууллагуудаас хүссэн үйлчилгээгээ авч чаддаггүй. Мөн бэрхшээл тулгарахад хаана, хэнд хандахаа мэдэхгүй байх тохиолдол олонтой байдаг билээ. Тиймээс бид энэхүү асуудлыг шийдвэрлэх, даван туулах арга замыг эрэлхийлэх, Австралийн холбогдох байгууллагуудтай холбох гүүр нь болж ажиллахыг зорьж байна.

БИДНИЙ ХАМТРАН АЖИЛЛАЖ БУЙ БАЙГУУЛЛАГУУД:

- ☞ The Kogarah Storehouse
- ☞ Advance Diversity Services
- ☞ Rockdale Family Hub - Better Connected Community Services Inc.
- ☞ South Eastern Sydney LHD
- ☞ St George Area Police
- ☞ Bayside Council
- ☞ Safe Haven

ЭРҮҮЛ, НЭГДСЭН, ЧАДВАРЛАГ МОНГОЛЫН ТӨЛӨӨ

БИД ЮУ ХИЙСЭН БЭ?

- ☞ Мэдээллийн өдөрлөгүүд
 - 28/11/2020 Хүүхдээ цэцэрлэг болон сургуульд ороход хэрхэн бэлдэх вэ?
 - 27/02/2021 Эрүүл, тэнцвэртэй хооллолт
 - 31/03/2021 Цагдаагийн газрын мэдээлэл
 - 23/04/2021 Service NSW -ийн үйлчилгээний мэдээлэл
- ☞ Англи хэлний ярианы хичээл
 - Онлайн Англи хэлний хичээл Мягмар гариг бүр нэг цагаар 5 сарын турш хичээллэсэн
 - Бямба гарагийн ярианы анги
- ☞ Бямба гарагийн чөлөөт үйл ажиллагаанууд
 - Йога
 - Органик лаа хийх
 - Чөлөөт ярилцлага
- ☞ Хэрэгцээт мэдээллийг Facebook хуудсаараа дамжуулан хүргэсээр байна.
- ☞ Ковид-19 -цар тахлын үеэр 300 гаруй гэр бүлийг хүнсний болон санхүүгийн тусламжид хамруулсан
- ☞ Австрали дахь Монголчуудын дунд судалгаа явуулж, тэдний хэрэгцээ шаардлагад тулгуурласан мэдээллийн өдөрлөг, сургалт, арга хэмжээг зохион байгуулахаар ажиллаж байна.

ХИЙХЭЭР ТӨЛӨВЛӨСӨН ЗҮЙЛС:

- ☞ Монголчуудаа хооронд нь холбох, мэдээлэл солилцох, түгээх Вэб хуудас хөгжүүлэх
- ☞ Мэдээллийн өдөрлөг болон бямба гарагийн чөлөөт үйл ажиллагаагаа үргэлжлүүлэх
- ☞ Англи хэлний ярианы хичээлээ үргэлжлүүлэх
- ☞ Чөлөөт уулзалт, сургалтуудыг зорилтод бүлгүүдийн дунд зохион байгуулах

ҮҮСГЭН БАЙГУУЛАГЧДЫН ЗУРВАС

Урт хугацаанд үргэлжилж буй Ковид-19-ийн нөхцөл байдал бидэнд ихэнхэн зүйлийг ухааруулж ойлгуулсан билээ. Үүний нэг нь бид бүгд бие биенээсээ хамааралтай, нийгмийн нэг хэсэг бөгөөд хүнд хэцүү цаг үед бусдын тусламжийг авч, эргээд тэдэндээ туслахын ач холбогдлыг дахин санацгаасан явдал байв.

Өнгөрсөн жилийн цаг үеийн нөхцөл байдал бид бүгдийг өөрсдийн хүсч, хийхийг зорьж буй зүйлээ албажуулан энэхүү байгууллагыг үүсгэн байгуулахад ихээхэн түлхэц болсон юм. Байгууллагаа албан ёсоор Австрали улсад бүртгүүлж, бэлтгэл ажлаа хийж, үйл ажиллагаа явуулж эхэлснээр хэдэн сарыг ардаа үджээ.

Та бүхэндээ үйл ажиллагаагаа улам ойртуулахаар зорьж, энэхүү сар бүрийн мэдээллийн эмхтгэлийн эхний дугаараараа уулзаж байгаадаа таатай байна.

Бид та бүхний санаа бодлыг сонсон, үйл ажиллагааныхаа хөтөлбөрт тусгаж, аливаа хамтран ажиллах санал, санаачлагыг дуртайяа хүлээн авах болно.



Happy Saturday

БЯМБА ГАРАГИЙН ЧӨЛӨӨТ ҮЙЛ АЖИЛЛАГАА

Манай байгууллагын зүгээс өнгөр жил хоёр долоо хоног тутмын Бямба гарагуудад Монголчууд, ялангуяа охид, бүсгүйчүүд, ээжүүд, хүүхдүүдийнхээ дунд хэд хэдэн арга хэмжээг зохион байгуулсан билээ.

Бид энэхүү Бямба гарагийн үйл ажиллагаагаа чөлөөт уулзалт ярилцлага, сургалт, мэдээллийн өдөрлөг зэрэг хэлбэрээр энэ оны 6-р сараас дахин эхлүүлэхээр төлөвлөн бэлтгэл ажлаа эхлүүлээд байна.

lovely day.



Англи хэлний ярианы хичээл

Өнгөрсөн жил байгуулагдсанаасаа хойш бид Австрали улсын сайн дурын багш нартай хамтран үнэ төлбөргүй Англи хэлний анхан шатны ярианы ангийг мягмар болон бямба гарагуудад хичээллүүлсэн билээ. Энэ хөтөлбөрөө мөн 7-р сараас үргэлжлүүлэхээр төлөвлөж байна. Хэрвээ та энэ талаар snирхож байвал бидэнтэй холбогдоорой.



ХЭРЭГТЭЙ МЭДЭЭЛЭЛ

Манай байгууллага өөрийн Facebook хуудсаараа дамжуулан Австралийн төрийн болон төрийн бус байгууллагуудын мэдээлэл, хөтөлбөрийг танилцуулдаг билээ. Хэрвээ та Австралийн эрүүл мэнд, сургууль, нийгмийн үйлчилгээ болон бусад хэрэгцээт мэдээллийг авах хүсэлтэй бол [ЭНД](#) дарж манай хуудсыг дагаарай. Мөн танд асуух асуулт байвал бидэнтэй байгууллагын Facebook болон имэйлээр холбогдож, асуултаа асуугаарай.



Rockdale Children and Families Hub

Rockdale Children and Family Hub 0-5 хүртэлх насны хүүхдийн өсөлт, хөгжлийг үнэ төлбөргүй шалгаж, сувилагч зөвлөгөө өгдөг ба эцэг, эхчүүдэд нь хүүхэдээ өсгөхтэй холбоотой зөвлөгөөг мөн өгдөг. Түүнчлэн хөгжлийн болон ярианы хоцрогдолтой хүүхдүүдийг дараагийн шатны байгууллагууд руу холбож өгдөг. Энэ байгууллагатай манай байгууллагаар дамжуулан холбогдох боломжтой.

Вэб хуудас: <https://www.rockdalehub.com.au/>

St George Police

Та цагдаагийн байгууллагатай холбоотой аливаа мэдээлэл, тусламж авах, мөн хэрэг зөрчлийг мэдээллэх шаардлагатай бол 131 444 дугаараар холбогдоорой. Мөн бид таныг StGeorge дүүргийн цагдаагийн хэлтсийн зөвлөх ажилтантай холбож өгөх боломжтой.

Service NSW

Та NSW засгийн газраас байнгын оршин суугч болон CONCESSION CARD эзэмшигчиддээ олгодог 70 гаруй хөнгөлөлтүүдэд хамрагдах боломжтой эсэхээ мэдэхийг хүсвэл Service NSW-ийн ажилтан Harry Ramani-тай 0429 511 573 дугаараар холбогдоорой.

Kogarah Storehouse

Бидэнтэй хамтран ажилладаг тус байгууллага өрх бүрт сард нэг удаа хүнсний тусламж үзүүлсээр байгаа билээ. Хэрвээ та энэхүү тусламжид хамрагдахыг хүсвэл манай Facebook хуудас болон 0415 674 556 дугаарт холбогдоорой.

Сургалтын төлбөр болон цахилгаан бараа, компьютер авахад санхүүгийн тусламж хэрэгтэй бол хүүгүй зээлд хамрагдах боломжтой. Энэхүү зээлийг олон улсын оюутны визатай хүмүүст ч гэсэн олгож байгааг дуулгахад таатай байна. Сонирхсон хүмүүс 0476 868 283 дугаараар болон tiffany.ho@kogarahstorehouse.org.au имэйл хаягаар холбогдоорой. Хэрвээ холбогдоход тусламж хэрэгтэй бол бидэнд мэдэгдээрэй.

Вэб хуудас: <https://www.kogarahstorehouse.org.au/>